

中國方志叢書·華中地方·第一四六號

據

清·尹會一、程夢星等纂修
雍正十一年刊本


影印

江蘇省

揚州府志

(一)

成文出版社有限公司印行



中國方志叢書·華中地方·第一四六號

據

清·尹會一、程夢星等纂修
雍正十一年刊本

影印

江蘇省

揚州府志

(二)

成文出版社有限公司印行



10098798

中國方志叢書·華中地方·第一四六號

據

清·尹會一、程夢星等纂修
雍正十一年刊本

影印

江蘇省

揚州府志

(三)

成文出版社有限公司印行



10098799

中國方志叢書·華中地方·第一四六號

據

清·尹會一、程夢星等纂修
雍正十一年刊本


影印

江蘇省

揚州府志

(四)

成文出版社有限公司印行



中華民國六十四年 月臺一版

揚州府志

全四冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重修揚州府志序

郡邑之有志與國史相為
表裏史若網之在綱而志
為其目目必具綱廼得而
舉我

朝德化涵濡敷天裒對

揚州府志

序

上命儒臣纂一統志以儲國史
詔天下省會各修通志上之而

臺省大臣檄郡邑新舊志

悉克采輯典綦重矣維揚

南北要區帶海襟江舊隸

九屬稱劇郡

天子念其幅員孔長析通州分

轄如皋泰興二邑揚之屬

裁為六又以江都隸郡郭

地衝事劇尤號繁難設甘

泉一邑分治之而揚之屬

復離而七蓋自惟王體國

揚州府志

序

二

經野設官分職載在周官
而我

皇睿慮精詳肅吏治厚民生量

地制宜超軼前古

會承

命襄陽移守斯土自顧非才叨

歷銓曹兩膺大郡

帝心簡在報稱維艱蒞任之初
正修通志之日披圖按籍
州邑分疆販章非舊釐剔
宜新揚志之修是在刺史
爰輯鄉先生設局分編朝
咨夕考屬草未就復膺

寵命擢司鹺使而治所故在郡
中俾得藉手成書付之剞
劂抑亦使臣之幸矣竊聞
修史之難無過於志夫史
有紀有表有傳有志而邦
國之志自普通名曰志夫

志識也志其地志其時志
其事三才之道備焉故識
不可以不多寡則陋識不
所為難也使守揚以來
上凜

天威下求民莫蓋嘗綜而論之
五儀五方錯處士多俊偉
俗尚輕揚其間鹽筴起家
意氣豪舉罔恤拂經高寶
濱河士攻文藝民苦沮洳
興泰尤澤國頻年水潦仰

資賑恤終鮮蓋歲儒雅之
風桀黠之習所在多有守
斯土者善者因之其次利
道之又其次整齊之竊有
志焉而未之逮迺今以當
官之務託文獻之徵志其
地則思道與地宜志其時
則思政因時立志其事則
思人以事傳後之來者統
理人倫移風易俗一之庠
中和胥將于志焉是取掌
故云乎哉使者又聞之焉


選撰記質而不俚班固作
書贍而不穢古稱良史故
在其文兼勝焉然文中子
不云乎史之失自遷固始
記繁而志寡故辭尚體要
韓退之有言春秋謹嚴左
氏浮夸君子博聞彊識於
立言也惟謹網羅擗撫手
出白黑失在矯誣為陋滋
甚此管蠡之測識所嘗是
正於鄉先生者竊願以一
郡之志上之

臺省可叅信史頒之州邑
可作政書仰惟

聖人在上一道德同風俗是書
儼列承流宣化之中鄉先
生有道而文蓋邦國之光
也已顧獨慙使者以固陋

之胸司轉運之職國計之
盈虛商民之利病終日持
籌不能壹思慮廣見聞以
佐鄉先生之偶所關遺此
則耿耿中宵不自釋者也
皆

雍正十一年癸丑秋七月
賜進士出身中議大夫兩淮都
轉運鹽使司運使仍攝江
南揚州府府事加七級紀
錄一次博陵尹會一撰



揚州府志原序

侍御象岡胡公觀風之暇嘗閱趙大夫所爲惟揚志惜其未究遂可郡侯雙橋朱君請檄於都運李君邦表判府虞君价侯君璽節推吳君道南暨州牧縣令黎君堯勳谷君嶠輩各以私乘上之而屬儀輯焉儀弗獲辭勉率譽髦分區授簡採摭校讐凡七閱月而志成乃拜手颺言曰昔孔子言夏殷之禮而有文獻不足徵之歎吾揚襟江帶海自昔稱雄人國朝爲首善畿輔聲名文物郁乎盛矣志而不備嗣世何觀不穀不文繆膺重託薄取諸家之載述與耳目所覩記割裁於凡例折衷於高

揚州府志

原序

一

明論次軼事爲嘉靖惟揚志竊比乘檣杙之義後之君子或亦徵文獻於什一乎抑志者匪他也三才之道也天地貞觀古今揆一汚隆興替存乎其人矧揚尤東南要會所宜綱繆而保障者儀備忠告於有位有衆冀嗣今循良倣古而敷化虎臣慕義而折衝俊傑趾美而流芳羣黎嚮風而敏德是謂輔贊兩儀會歸皇極庶永翰翼翼之神京斯志不顯亦世已是舉也運同白君濬同府王君杏爲監修若府庠鄭教授衷通州歐陽學正瑜高郵州王學正治定遠王教諭建中府庠王訓導兆縣庠黃訓導鳳彩舉人張渠校生周龍施錫王孚嘉蘭恕

尹瑜栗鏞劉培楊守誠張電紀文光殷三聘湯元貞高第儒士張金同事編摩皆遴簡以充而典史劉光則司供給者也法得備書嘉靖壬寅歲秋九月望日賜進士出身亞中大夫太僕寺卿致仕邵人盛儀書

古有小史以紀邦國猶今之郡縣志也國家熙洽二百餘年所在郡國固不乏志而况惟揚東南一大都會內阻江海之險南引荆襄吳越北控青徐而西護陵寢至要劇至繁重也其山川形勢政教文物鑒往微而炳濃戒關係豈淺眇者而志惡可已也萬曆戊戌不佞洵叨守是邦索所爲郡志者不可得久之得士人藏本讀之

揚州府志

原序

二

則世廟時所輯者六十年於此矣刻既散落事復殘缺輒思紹明世以埃來者會上方大權天下江淮若涕郡冗劇倍於往時無遑及也問以語司理徐君則慨然自任於是檢故實參邑乘聘諸賢者分曹授簡稍稍更其篇目凡爲圖一爲志十有二爲卷廿有七簡帙頗省於舊而當世之故燦然備焉蓋竊嘗論之廣陵之勝始自隋唐五季以還殘燬畧盡後雖稍葺之不及什一然與別不同沿革互異而風氣漸靡則大畧相似故郡縣城池有志沮洳之鄉賈贏而農拙卽額賦苦莫能支而况

與前日甚懷奪公行乃司計者猶復一切求多欲安所

歸命乎故賦役有志淮南堤堰相屬前代屢爲漕計今內虞陵而外民計不獨爲漕顧議者不務導黃以安淮而反欲疏淮以縱黃害將有不忍言者故河渠有志名勝之地常若與豪傑相待漢晉以來歷茲土者多一時名賢而倣儻之士近代亦復不乏斯嚮往所宜殷者故秩官有志兩淮鹽課當天下漕粟之直國家仰給甚厚而奈何沸而揚之濁而淆之自爲屑越乎假令課損而餉絀恐憂不獨在九邊也故鹽法有志四會五達之衝天下必爭之地瀕海剽悍將乘釁而內潰是虞島夷猶外懼耳收攬駕馭爲緩急用則存乎人故兵防有志

揚州府志

原序

三

江海之氣磅礴蓄積鬱爲人文故鄉之耆碩於今爲烈左氏所謂死而不亡者入其境自可想見其人故人物有志揚州畫江爲界非復禹貢所稱齒毛羽革走自四方江珍海錯則地產焉至歲時謠俗風土淳澆卒難以齊一故風物有志大業間罄物力以侈游觀而唐復置重鎮於此故惟揚勝蹟海內無不詭稱之然轉盼之間蕩爲墟莽豈非千古炯戒故古蹟有志自列國以降史冊所載淮南事可歷數也而災祲獨劇總之江海爲祟居多亦澤國之勢然也故歷代有志及災異有紀法乘羽客流寓何常而揚爲東南輿區尤多托跡其間彼其

修證不同固未嘗數數然於世者亦安可輕訾也故方外有志文章經國大業不朽盛事由漢唐迄今董相枚叔而後作者不乏豈不盡關風教而擷英萃芳固所不遺故以文苑志終焉嗟夫所爲志者以紀其地之所有爲一郡實錄已耳乃揚之地橫亘跨連據江海之勝以爲扼塞而又囊括綆引總四方之利以爲權輸其於國家則所謂門戶咽喉也夫門戶所以爲固咽喉所以爲命其非厘厘一郡所有明甚將務撫之猶恐其擾務靖之猶恐其亂而況於擾之亂之乎今上偶過爲國計而聽計權使不虞乘是者之能爲且亂也於揚尤甚焉

揚州府志

原序

四

豈門戶咽喉之弗恤乎此當事者所爲凜凜懼已志旣成帙會徐君內遷以去乃自途次編輯以遺不佞不佞雖稍爲刪潤大抵皆徐君所更定也徐君博識雅詞有傳才其所論大足以觀徐君第收於散逸之後往往苦無考據於古或不能什伍而近亦厘什七蓋上下千餘年間廣袤直數百里網羅補苴若斯之難也雖然及今不一掇拾後之難且什伯此者是以不辭掛漏勿任湮沒以俟夫閱覽博物者得以增飾焉萬曆辛丑歲秋七月之吉賜進士出身中憲大夫知直隸揚州府事東晉楊洵書

古者天子五年一巡狩於歲之四仲會諸侯於方岳是時爰令太史陳詩市司納價齊其律度量衡諮其耆老疾苦於以周知九土之務而勤恤乎民懋哉何道之隆歟今遙遙如聽遠音矣蓋後世時邁不歌省方之役以簡書畀諸直指使者使者按部所至一如東岱西華南

衡北恒之典之重山川之圖籍於是乎獻焉戶口之登耗於是乎咨焉田畝之蕪治於是乎省焉財賦之會計於是乎覈焉吏治之失得於是乎察焉風氣之貞淫於是乎辨焉錦輿繡壤中星嶽靈異鬱鬱蒸蒸挺爲人士則前英後喆光史耀冊者於是乎訪之廬造之膝焉險

揚州府志

原序

五

隘要害之處藩籬牧圉周防設禦用備不虞則營壘伍卒棊置星布者於是乎御戎服討軍實焉至於館閣文章之彥鄒枚鮑庾之徒或以玉佩瓊琚倬明河漢或以吉光片羽輝媚澤山一時發爲文藻千世照人顏色凡有嘉言雅什亦於是乎收之資入告採之潤金石焉至於天性之所激盪風教之所鼓動會有奇節異烈足以廉頑夫立懦夫者炳然日月爭光傑然天壤不敝又於是乎旌厥間表厥墓焉他若垂弓和矢摩挲古色堯邱禹穴碑碣猶存荒墟蔓草間聽其漉滅亦缺事也鏡古者或一過而問焉諸如此類小之一邑大之一郡莫不

羣匯而筆之於志以昭傳信以示來茲至重典也舉邦國之重典而任其散落無考湮沒失傳致後禩徵文考獻之家蒐獵掌故蓬飛烟斷臨文悼嗟嗚呼此不爲官茲土者之責而誰責歟元不佞自三韓起家叨守惟揚郡自庚子以迄

冲聖

御極之三年數易寒暑日夕糾虔惟惴惴以不克副二

千石是懼公餘退食愴然念茲延袤數百里地襟江帶海包絡吳楚通道甌粵前古號稱名區近亦不改都會又愴然念茲數百里地中其所爲城郭溝池守得以固濬築其所爲丁男租賦守得以問盈縮其所爲官方土

揚州府志

原序

六

俗守得以問善敗其所爲踰伏幽人綢繆陰雨守得以問虛實其所爲宦於土而名成產於鄉而行立守得以問俎豆其所爲名山有業登高有賦守得以問臧否其所爲志士陷胸孝子刲股烈婦靡他守得以問闡揚其所爲遺址舊物若滅若没守得以問存失不佞守也奈何俾冊府掌故殘缺不登僅僅留一綫哉前人有言曰郡之有志猶國之有史也國不史不國郡不志不郡茲繙惟揚舊志而因摭摭之蓋篇殘簡斷者什九僅存者什一改玉改步不無烽燹他書祖龍尚鮮關繫因考府志一編自前朝成化纂修而後垂六十餘年而一修之

嘉靖由嘉靖又越六十年癸卯再修之萬曆時主其政者太守楊公洵也由萬曆歷

今上

甲子再周于支適與往合梨棗氣運會當鼎新所未可知但爲時久遠兼丁改物則夫今昔異同之文編載未及之事或不能一二端舉也爰移檄十屬長併致劄於十屬之司鐸俾延集其地之衿士請典故者臚列其六十年沿革建置美蹟芳風種種未綴志書者後先以郵筒報至不佞給筆札以屬之郡儒生一二人俾令仍其舊款增以來緒自賦役鹽筴兵防官制欽遵

本朝功令更訂入志外其別款雖有添注無太益損是以

揚州府志

原序

七

僅閱數月而書成悉新之剗剗異日直指巡方觀風問俗據是帙以報

天子璽書之命其尚有完書哉然是役也十屬長慙慙而贊

成之諸學博督衿士搜羅而編輯之不佞元不敢有其功至茲編之條流粗舉採綴未周以評休文者致刺譏焉請以俟之博雅君子康熙甲辰歲八月之吉中憲大夫知江南揚州府事三韓雷應元撰

禹貢揚州包有東南數千里之封域而今揚州之治或爲廣陵南兖州或爲吳州或爲邗州刺史之所治或在壽春其以揚名郡始於隋開皇間而揚之有志自唐曹

憲始迨後歷代增損沿革不同自明初以及萬曆辛丑則四經修葺矣迄今六十餘年

本朝甲辰歲前守遼左雷公應元復剏修之然其間地理譌缺人物年代垂舛踳駁者殆十之三四蓋相承以然余自汝移守斯士甫下車亟欲是正之僅期量移金陵以去倉卒不得就然是役也經

聖天子允輔臣條請部檄天下郡邑至嚴且切余忝爲吏而不能及時載筆以獻以副

朝廷拳拳加惠海內之意懼未盡守土者之職且自奉

簡書視郵南北所經過諸澤國淮河合流瀟湖汎漲流民

揚州府志

原序

八

載途荒殘萬狀所以時蓄洩慎隄防固必有說以處此豈可以一去而輒止也舟車之暇朱墨點乙經歷寒暑書成彙爲四十卷將以上之天府供採擇焉余竊攷班氏地里志其言曰凡民函五常之性而其剛柔緩急音聲不同係水土之風氣故謂之風好惡取舍動靜亡常隨君上之情欲故謂之俗聖王在上必移其本而易其末故廣述文翁鄭弘諸賢守令之治化下及司馬相如嚴遵揚雄大人處士之遺風所以漸濡其人民而變化其耳目者誠係於其人而不在乎書之有無也然使得其人而因以修明賢君相之法度以一道德而同風俗

則是書者所以廣見聞備損益也顧不重哉余蒞揚修學校治河防集流亡禁畧賣一切斥弊興利之政將次第施行獨視事日淺於心有所未盡猶私幸此書之成可以垂諸將來俾後之來治茲土者披卷而鏡觀百世以上不下堂而洞知千里之外卽吾民之蒙其澤無以異於吾之身爲之也故吾去揚日久不獲與揚之父老子弟旦夕聚首未能一日忘於心而其精神時與吾民相往來者將藉是書以無窮也已
嘉平上浣整飭江南江蘇松常鎮淮揚七府徐州一州驛傳鹽法道按察使司副使加二級前知揚州府府事
揚州府志
原序
九
金鎮書於金陵郵署之生隱堂

烟景之地五方雜處塵土俠猾之鄉輻輳輻輳舍則繡錯綺紛市肆則肩摩轂擊風尚易爲移易習俗時有變遷志之不容不亟修也而亦非可易言也惟其人而能可修唯其文而後能修苟非其人非其文以憑私挾臆之胸陳腐浮泛之筆冒濫勝任點污全璧可勝浩歎哉長真金公士林僑盼藝苑宗工天下望之推爲景卿守吾揚僅一載撫蒼黔如父母培士氣若師保振衰起弊救患扶危龔黃召杜不是過焉會

功令有修志之舉公毅然興起攷據前猷泰稽後籍憂其繁蕪彙其典要凡人物之貞愚形勝之沿革制度之廢
揚州府志
原序
十

典存真去僞崇實黜浮遂成一代典制文章經濟萃美一人章與歐陽永叔相伯仲焉吾揚何幸而遇斯人爲斯文之領袖哉書成之日問序於予時予濫竽掖垣不及襄此盛舉切幸人傳而其文傳文傳而其地傳其地與人物俱傳予得竊附以聲施不朽焉故不揣迂疎而漫爲之序

賜進士出身通議大夫吏科掌印給事中 正三品 李宗孔 拜撰

國有史郡有志重矣考一代治亂興革君臣庶事臧否得失使後世有所觀法視乎史問一郡山川人物風俗

險塞美惡戶籍生齒之淵繁禽獸草木水土之產畜使治此者瞭然而來游者得所止則視乎志統天下之志上之天子付之太史採擇而書之即以成一代之史所繫於國家何如也興王在上必得著作之臣取勝國之史而修之近或百年遠或數百年而後成賢有司爲郡暇取郡邑之書稽覈考證之刪其蕪而增其新事取其信文法乎古大抵數十年而一易蓋史不可以間作而志則不可以不修顧修之亦不易宦遊商估滿天下稽之戶口無一丁在籍者寥寥田野之窮民其人死已久而名猶隸於籍謂天丁之戶口可信乎供賦徭役載於

揚州府志

原序

主

今上思其賢欲倚爲治安車蒲輪起於家

召對命言天下事無隱公條列數事以修一統志爲急

上曰可詔督撫下郡縣於是天下始知志爲國家之所重如此言者又疏請修志禁私派務得人使可傳信

朝廷竝下其議則修志於今日烏可以苟焉爲也方是時山陰金公知揚州甫蒞事卽以志下詢余請博採於公獨斷以信不可參於人公搜前志得故明萬曆中鄉大夫盛公儀所修及近代諸本又下令九邑各以所輯新舊志進合以

本朝因革文獻之徵驗彙爲書未成會公擢副憲督視江

蘇八郡郵政體法輟軒之暇精搜嚴剔必信必文逾年而書成以示余曰志初謀於子今幸竣事子其序終始

揚州府志

原序

主

焉余以非才遜謝者再公屢書促不倦恐辱公命夫志史事也况奉

天子命將達於

御所頒之史館取信於天下後世敢不慎公固賢者治揚僅一載視民寬和若慈母又好文愛士遠近歸之去而士民思之不忘古所稱仁者也仁者之言必不誣則其爲志不可信哉不可信哉

賜進士出身內閣誥勅中書舍人汪懋麟頓首拜撰

揚郡有志舊矣其修於

本朝者甲辰則三韓雷公應元乙卯則山陰金公鎮亦旣

州次部居條例詳明矣

今上御極之二十有二載矣特命儒臣彙志成典凡該省纂輯通志以獻制府下郡守以前志未備檄郡邑補其缺畧上之而蒲吾崔公畢實董其事屬草甫定會公擢兩淮鹽運使以行歲乙丑余承乏茲土復奉憲檄發梓因得訂其脫誤正其訛舛藉手以告成焉志成因書其簡端曰夫志古史之流也古者擇人遺王志事以告邦國小史掌邦國之志以獻於王小行人用行天下輯成五物之書而藏之內府是以

天子不出廊廟而周知天下之務誠鉅典也第史家之於志

揚州府志

原序

三

也恒難之文中子曰史之失自遷固始紀繁而志寡以陳壽之紀三國而不敢志以歐陽之傳五代而不言志郡之有志詎易言哉世不無升降俗不無汚隆政不無得失名宦徵於去官鄉賢定於身後比類而書足為鑒戒可也不則吾愚其妄傳言失旨圖形爾雅不行考索或限於耳目菑文無當於獻徵詳慎而書之或以闕疑可也不則吾慮其誣雖然善善欲長惡惡欲短吾取其可風者而已所聞異詞所傳異詞吾取其從同者而已蓋前此具有成書茲則或續之或補之如掌故之籍甲乙之簿以備一郡之故實俾以考源流而鏡得失焉

則斯志也其庶幾乎而余更有感焉揚之為郡也地衝

事繁其為俗也外腴而中瘠今夫車數爭入肩摩攘攘者生齒之衆也果其家給而人足耶駕高軒拖大紳者純袴之胄也果其金相而玉質耶自陽侯之波虐而雷體塗足之農不安於畝畝自城闕之剌興而方領矩步之士不出於宮牆自豪強之兼并俠猾之抵觸而出入息之小民鮮得有仰父俯子之樂業余自下車以來凜乎其難馭也恤乎其恐失也則觀斯志也

揚州府志

原序

古

何而禮讓庶漸以成俗也
翠華巡幸南國欲民俗之歸厚非守土之責乎重臣經幄河渠需徵發之以時非長吏之事乎則凡事關利害政當損益者皆所熟計而審處者也寧僅以摩娑卷帙優游筆牘已耶故於斯志之修也一篇之中三致意焉上以

副

聖天子宵衣求治之意下以慰吾父老扶杖觀化之心以附於周官擇人小史之義敢曰具文而已哉是為序時康熙乙丑歲八月朔日中憲大夫知江南揚州府事浮山張萬壽書於廣陵公署

揚州府志凡例

皇輿表爲準卽各屬建置沿革舊志傳譌悉爲更正

一揚州歷代統隸分合多寡各有不同迨明洪武二十
揚州府志 凡例 上

七年領三州七縣

國朝因之至康熙十一年海門縣圯併入通州雍正三年
分通州爲直隸州而以泰興如皋二縣分屬十年又析
江都置甘泉縣疆域既分管轄亦異一切山川城郭土
地民人刪除分晰均非昔制故今日纂輯郡志雖係相
因實爲創始非敢襲取舊軼遂可竣事

一揚州地濱江淮凡河渠水利關係最鉅高郵興化寶
應泰州及甘泉之邵伯鎮素號澤國尤爲切膚數十年
來幸逢淮黃底奠久慶安瀾我

皇上深仁厚澤軫恤民生一切治堰開河綢繆未雨靡不上

厘

宸衷以求實效千載一時之嘉會也茲志於山川之外另編
河渠水利二卷恭紀平成其今昔名賢評議碩畫有關
於是者仍附載於各條之下以備採擇

一賦役除照 部頒全書欵項外凡丁田實數及現在
徵收錢糧解支數目俱照各屬開送冊籍彙入至已經
裁扣各欵不係現行則例者一槩省文不錄驛站漕運
皆倣此

一秩官姓名凡舊志所載漢晉以上揚州都督刺史之
類既經刪除而徐州南兗州諸官實在所轄是以老據
揚州府志 凡例 二

正史凡有姓名可稽者概增補之唐宋後自守令丞倅
外如轉運發運等使巡撫都察院海防道等官因駐節
於此仍各備錄亦依舊志條例也我

朝秩官自康熙二十二年以前悉照舊志錄入此後皆按
年增補惟同知通判及丞簿各職以河員委署者多實
授者少去來久暫之間或有遺漏無從查覈覽者諒之
一選舉悉依舊志分別辟薦鄉科甲科貢生四項各志
未入者按年增補未敢私立條欵以變舊章

一名宦所載守令各官政績凡施行於揚州郡邑者皆
備書之至遷除後別有事功則不復載開府監司諸公